



FOLKETINGET

Tasiilami Prinsesse Margrethes Børnehjem-imut nakkutilliilluni alakkaaneq pillugu nalunaarussiaq (Nakkutilliilluni alakkaaneq 2)

1. Aallaqqaasiut

Marlunnngornermi 5. september 2023 § 71 naapertorlugu nakkutilliartortut siumut nalunaarutigeriikkaminnik Tasiilami Prinsesse Margrethe Børnehjemme-mut nakkutilliartortut alakkaapput.

§ 71 naapertorlugu nakkutilliartoqataapput nakkutilliisunut siulittaasup tullia Camilla Fabricius (S), Theresa Berg Andersen (SF), Alexander Ryle (LA), Stinus Lindgren (RV) aamma Aaja Chemnitz (IA).

Taakku saniatigut peqataapput ataatsimiititaliap pisortaa Lis Grønnegaard Rasmussen, ataatsimiititaliap allattaa Charlotte Avnsted-Vilman, ataatsimiititaliami assistenti Gitte Ravn Jensen, oqalutsilu.

Meeqqat angerlarsimaffianiit peqataapput Bent Maratse, Aningaasaqarnermi siunnersorti Prinsesse Margrethes Børnehjemimi, aamma innarluutilinnut paaqqinnittarfimmi Nasippi-miit Kista B. Kuitse, immikkoortortami aqutsisuugallartoq Prinsesse Margrethes Børnehjemimi Nukarlerni Vera Aminak, immikkoortortami aqutsisuugallartoq Prinsesse Margrethes Børnehjemimi Angajullerni, aamma Tina Evaldsen, Isumaginninnermi aqutsisoqarfimmi Forstanderi.

Taakku saniatigut Kommunemiit Tasiilami immikkoortortami pisortaq Hjørdis Viberg aamma oqalutsi peqataapput.

Nakkutilliisut alakkaallutik takkunneranni meeraq ataasiinnaq angerlarsimaffimmiippoq. Meeqqat allat atuarfimmippot/ulluunerani paaqqinnittarfinniippoq. Taamaattumik aalajangerneqarpoq nakkutilliisut utaqqissasut meeqqat angerlarnissaannut, pingaartinneqarmat nakkutilliisut meeqqat naapissagaat inissinneqarfigisimasaminniitillugit.

Nakkutillisut aallaqqaasiutigalugu børnehjemme-mi sulisunik ataatsimeeqateqarput, sulisut oqaluttuarlutik ulluinnarni qanoq ingerlasoqartarnersoq, sullitatik kikkunersut aamma sunik unammilligassaqartarnerlutik.

2. Nakkutilliiviup oqaaseqaataa

Nakkutilliiviup aarlerinaateqartippaa piffissami sivisuumi Prinsesse Margrethes Børnehjemimi forstandereqarsimanginnera aammalu tullersorteqarsimanginnera. Tamanna pingaaruteqarpoq

26. februar 2024

§ 71-tilsynet

Charlotte Avnsted-Vilman
Udvalgssekretær
charlotte.avnsted-vilman@ft.dk
Tlf. 33373648

Folketinget

Christiansborg
1240 København K
3337 5500
ft@ft.dk
www.ft.dk

meeqqanut inuusuttunullu ineqartunut sulisunullu
atugassarititaasut pitsaasuussappata aqutsisoqarnissaa
ersarissumik sulisut suliassaannik naatsersuutigisanik
ersarissaasussamik, saniatigullu siunnerfinnik anguniagassanillu
meeqqanik inuusuttunillu sullissinermi siunnerfiusussanik
peqarnissaq qulakkeerlugu.

Nakkutilliiviutaaq aarlerinartoqartippaa sulisut ilaatigut
misigisarmassuk meeqqat angerlartiaarneqartarneri.
Taamaattoqartillugu pingaaruteqarpoq iluameertumik
malinnaaffiginninnissaq, ilaqutariinnut sakkussanik
tapersiinikkut.

Nakkutilliiviup aamma pingaartilluinnarpaa meeqqat inuusuttullu
inissineqarnikut angajoqqaaminnut
attaveqaannaavissinnaanissaat, angerlarsimaffiup avataanut
inisseqqanerminni. Taamaammat pingaaruteqarpoq
oqartussaasunit tikeraarluni angalatitsisarnerit malittarisassartaasa
eqqumaffigineqarnissaat. Nakkutilliiviulli isumaqataaffigaa,
tikeraarluni angalatitsisarnerit pissutsit assigiinnigitsut
apeqqutaallutik iluatsittuaannangimmata. Nakkutilliiviulli
naliliiffigaa aningaasat tikeraarluni angalanissaraluanut
piviusunngunngitsoortunut peqqutaatinneqartussaannangimmata.

Taakku saniatigut nakkutilliiviup ajunngitsutut isigaa børnehjemi
ataavartumik tarnip nakorsaqarnera, meeqqanik angajoqqaanillu
oqaloqateqarsinnaasumik.

Taamatutaaq nakkutilliiviup ajungitsutut isigaa kommunemi
siunnersuisoqatigeeqarmat angajoqqaat angajoqqaatut
inissisimanerminni pisariaqartitsinermi atorsinnaasaannik

3. Prinsesse Margrethes Børnehjemmi naatsumik

Prinsesse Margrethes Børnehjemmi ulloq unnuarlu meeqqanut
inuusuttunullu angerlarsimaffiuvoq. Pingaartumik qatannguti-
giiat tamaanngaaneersut. Ukioqarput 0-miit 14 angullugit.

Sullinneqartunut tamanut assigiissutaavoq, meeqqat isumaginnin-
nikkut perorsaanikkut annertuumik ikiorneqarnissaminnik pisaria-
qartitsinerat.

Prinsesse Margrethes Børnehjem pingasunik immikkoortortaqar-
poq:

Nukarliit, meeqqat 0-9 akornanni ukiullit, aamma Angajullit,
meeqqat 10-14+ akornanni ukiullit. Taakku saniatigut børnehjem-
mi innarluutilinnut immikkoortortaqarfpoq Nasippi, tassungalu

atasumik sannaveqarpoq. Aamma angisuumik timersortarfeqarpoq, tassani timersornikkut sammisassaqartitsisoqartarluni.

Børnehjemmi Namminersornerullutik Oqartussat pigisaraat, Inunnik Isumaginninnermut Aqutsisoqarfiup ataani inissisimal-luni.

Nakkutilliiartorluni alakkaanerup nalaani meeqqat inissinneqarsimasut 2-14 akornanni ukiuliupput, tamarmillu akuersissuteqarnermik tunngaveqartumik inissinneqarsimallutik, taamaattorli aamma akuersisisitsinertaqanngitsumik meeqqanik inissiisoqarsinnaavoq.

Inunnik Isumaginninnermut Aqutsisoqarfik børnehjemme-p ingerlanneqarneranut akisussaavoq. Nakkutilliiartorluni alakkaaneq sioqqullugu børnehjemme-miit ilisimatitsissutigineqarpoq tulluar-tumik aqutsisoqarnerup tungaatigut amingaateqarlutik. Alakkaanerup nalaani taamaalilluni forstander-eqanngilaq taassumaluunniit tullersortaanik atorfeqartoqarani. Tamatuma saniatigut aamma immikkoortortani Angajullerni Nukarlernilu pisortatut atorfiit inuttassarsiuunneqarput, alakkaanerup nalaani atorfiit taakku utaqqiisaasumik inuttaqartinneqarlutik.

Nakkutilliiartorluni alakkaaneq sioqqullugu nakkutilliisut apeq-qutigisimavaat børnehjemme-mi sulisut ilinniagaqarnerup tungaa-tigut qanoq inissisimanersut, atorfiillu ilinniagaqartunik inuttaqar-nersut. Børnehjemme-miit tamanna pillugu nalunaarutigineqarpoq piffissap ilaannaani sulisartumik perorsaasutut ilinniarsimasumik ataatsimik sulisoqartoq. Sulisut sisamat isumaginnerup tungaa-tigut ilinniagaqarsimasuupput, sulisut marluk peqqinnissap tun-gaatigut ilinniagaqarsimasoq, allaffimmioq ataaseq, taavalu sulisut 27-it suliamut atatillugu ilinniagaqanngitsut, igasoq ataa-seq, kiisalu pedel ilinniagalik.

4. Nakkutilliisut alakkarerinerat

Meeqqat atuarfimmiiit/ulluunerani paaqqinnittarfimmiit angerlar-nissaat sioqqullugu nakkutilliisut periarfissaqarput angerlarsimaf-fimmi alakkarerinnissaminnut. Sumi tamani torerlunilu eqqiluip-poq. Angerlarsimaffippalaarpoq, naak pequterpassuaqanngikka-luortoq.

Nukarliit Angajulliillu immikkut illoqarput. Nukarlerni meeqqat qatanngutigiiit ineqatigiissinnaapput. Angajullerni immikkut inee-raqartiterput.

Nakkutilliisut malunginiarpaat isaariap silataani igalaamineq imermik imalik tamaaniippat, sikaritsip kimmivikorpasuunik ima-lik. Nunamilu aamma sikaritsit kimmivikorpasuuaqarpoq.

Angajullit najugaqarfianni nakkutilliisut igaffik, ini isersimaar-tarfik ineeqqallu allat alakkarterpaat.

Nakkutilliisut meeqqat Nukarlerneersut marluk naapippaat. Inuu-nerissaarpasipput toqqissisimarpalullutillu. Nukappiaqqap aappaa-ta inini alakkartippaa.

Nakkutilliisut meeraq anginerusoq aamma naapippaat. Nukappia-raq oqaluttuarpoq børnehjemme-mi najugaqarluni ajunngitsoq. Illoqarfiup atuarfiani 7. klasse-mi atuartuuvoq.

Nukappiaqqap inini alakkartippaa. Siniffeqarpoq allaffeeraqarluni issiavittalimmik, atisanut sikaavik, aserorternikoq putorpassualil-lu.

Nukappiaraq oqaluttuarpoq kamaleraangami sikaavik putusarlugu. Assit pingasut nivingapput, ilaqtai, allamilli iigaaq nivinga-soqanngilaq.

5. Tamalaat

Forstanderip oqaluttuaraa, meeqqat inuusuttuaqqallu inissinne-qarsimasut sumiginnagaasimakkajuttuusut annersaaffiusuni imi-gassamillu atornerluisuuffinni peroriartorsimasuullutik. Meeqqat nalinginnaasumik silassorissuupput isumaginninnerup perorsaane-rullu tungaatigut immikkut suliniarfigineqarnissamik pisariaqartit-sisuunatik. Meeqqat, isumaginninnikkut perorsanikkut immikkut ittumik pisariaqartitsisut allamut inissinneqakkajuttarput.

Sulisut oqaluttuarput Tasiilami napparsimavimmi immikkut meeqqanut nakorsanik sulisoqanngitsoq. Meeqqamik imigassamik akornuserneqarsimalluni inunngortumik nalaassisoqartarnera ta-kussaanngitsoq unnerpaat.

Børnehjemme-mi suliniarnermi siullerpaamik annerpaamik siu-nertarineqarpoq meeqqat asanninnermik tuniorassallugit. Tarnip pissusaanik ilisimasalik aalajangersimasoq suleqatigineqarpoq, meeqqanik angajoqqaanillu oqaloqatiginnissinnaasoq. Utaqqiso-qanngilaq. Alakkaanissaq sioqqullugu sulisut nalunaarutigivaat meeqqat arlaannaalluunniit tarnip nakorssanit qulaajaaffigine-qarsimanngitsoq.

Angajoqqaat aamma kommunip siunnersuisarfia atorsinnaavaat, angajoqqaatut atuuffissamik tungaatigut ajornartorsiuteqartillu-tik.

Meeqqat inissinneqarsimasut illoqarfinnit allaneersut pisinnaa-titaapput ukiumut marloriarlutik tikeraarnissaminnut, angala-nermilu meeraq sulisunit ingiaqatigineqassaaq.

Pingaaruutilerujussuuvoq meeqqat inissinneqarsimanermik nalaani angajoqqaaminnut attaveqarnissaat, siunertaammammi piffissap ingerlanerani meeqqat angajoqqaaminnut angerlaqqinnissaat. Tamatigulli tikeraarnissat piviusunnngorsinnaaneq ajorput. Tamanna arlalinnik patsiseqarsinnaavoq. Ilaatigut angajoqqaat isumaqatigiissuteqarfiginiarneri iluatsinngitsoorfusarput, inuttut inuunerminni killiffitsik pissutigalugu.

Taamaattoqartillugu sulisut meeqqap angajoqqaaminut attaveqarnissaa nalilersortuartassavaat, meeqqap angerlamut tikeraarnissaa ilumut meeqqamut iluaqutaassanersoq. Tamanna tamatigut taamaanneq ajorpoq. Ilaannikkut angalanissamut aningaasaliisoqarnissaa sivittoruttoortinneqartarpoq, tamanna kommunit aamma akisusinnaasarmat, aammalu angajoqqaat ungasittumi najugaqarsinnaasarmata. Tamakku saniatigut sila aamma aporfissalersuisarpoq.

Angajoqqaalli qaqugukkulluunniit meeqqatik børnehjemme-mut pulaarsinnaavaat, aammalu børnehjemme-mi unuiffissaqarlutik. Assersuutigalugu tamaani ilaqutariinnut inissaqarpoq.

Sulisut oqaluttuaraat, tikeraarluni angalasarnerit pingaaruteqartuusut, tassami meeraq siunissami angerlaqqittussaammat. Piffissaq sivisuallaarsimappat attaveqartoqarsimanani, tamanna meeqqamut angajoqqaanut angerlartumut oqittuinnaaneq ajorpoq. Sulisut tamanna eqqumaffigilluarpaat.

Meeqqat angajoqqaallu akornanni attaveqarneq peqatigiilluni oqaloqatigiittarnikkut ingerlanneqartarpoq, tamanna kommunit angajoqqaallu akornanni isumaqatigiissummik tunngaveqarpoq. Taamaaliornikkut qulakkeerneqarpoq meeqqap inuusuttuaqqalluunniit inissinneqarsimaneranut tunngatillugu angajoqqaat akulerusimatinneqarnissaat.

Nakkutilliisut apeqqutigaat, nalinginnaasumik meeraq qanoq sivi-sutigisumik børnehjemme-mi inissimasarnersoq. Tamatumunga sulisut akissutigaat pissutsit assigiinngitsorujussuusut. Sulisut ilaatigut misigisarput meeraq siusippallaartumik angerlartinneqartarpoq, tamanna meeqqamut ajoqusiisinnaammat. Taama pisoqartillugu pingaartuuvoq iluamik malitseqartitsisoqartarnissaa ilaqutariit immikkut ikorfartorneqarnissaannik isumaginnilluni.

Sulisut oqaluttuarput, Kalaallit Nunaanni nalinginnaasoq, siusisukkut meerartaartarneq. Ilaqutariit aaqqissuussaananerit aamma

allaaneruvoq Danmarkimi pissutsinut sanilliullugu, Kalaallit Nunaannimi takornartaanngimmat amerlasuut arlalinnik meerartaartarnerat. Kalaallit Nunaanni meeqqat tamarmiusut 5 %-ii angerlarsimaffiup avataanut inissinneqarsimapput.

Sulisut oqaluttuaraat, namminneq paasinninnertik naapertorlugu, meeraanermi sumiginnagaasimanertik pissutigalugu inuusuttut namminneq siussisukkut ilaqutartaarumasartut.

Tamanna illuatungilerniarlugu assersuutigalugu Tasiilami suli-niuteqarluni misilinneqarsimavoq, inuusuttuaqqat inuusamik naalungiarsummik paarisassaqtitaasimallutik. Taamaaliornik-kut paaseqqullugu naalungiarsuuteqarneq qanoq suliassartaqar-tiginersoq. Sulisulli ilisimannginnerarpaat tamanna sunniute-qarnersoq inuusuttut ilaqutartaajaartarannut tunngatillugu.

Sulisut aamma oqaluttuaraat, angerlarsimaffinni siusissukkut iliuseqartarneq ukkanneqartartoq, soorlu Nuummi suliniutigi-neqarluni.

Nakkutilliiartorluni alakkaanissaq sioqqullugu nakkutilliisut apeq-qutigisimavaat, børnehjemme-mi pinerlunniarnerup tungaatigut pinaveersaartitsilluni sutigut qanorlu annertutigisumik suliniute-qartarnersoq.

Tamanna pillugu børnehjemme-miit paasissutissiissutigineqarpoq, sulisut meeqqanik oqaloqateqartartut arlaatigut pinerluuteqarner-mut assigusinnaasumik pisoqarsimatillugu. Børnehjemme-mit aamma kommuni suliampilu isumaginnittut attaveqarfigineqartar-put pinaveersaartitsilluni suliniutit pillugit.

Alakkaanissaq sioqqullugu nakkutilliisut aamma apeqqutigisima-vaat, børnehjemme-mi ukiumi qaangiuttumi pissaanermik atuine-rit qassit pisimanersut. Børnehjemme-mit tassunga atatillugu akis-sutigineqarpoq 2022-imi Prinsesse Margrethes Børnehjemme-mi marloriarluni pissaanermik atuisoqarsimasoq.

Pisaanermik atuinerit marluusuni tamatigut tassanngaannaq piso-qarneratigut meeraq sakkortusaartoq nammineq meeraqataalu il-lersorniarlugit pissaanermik atuisoqarsimasoq. Ilanngullugu er-seqqissarneqarpoq sulisut meeqqanik oqaloqateqartartut pissaa-nermik atuisoqarsimatillugu, ilanngullugu siunissami pissaaner-mik atuisariaqarneq qanoq iliorluni pinngitsoorneqarsinnaanersoq. Pisut qaangiunnerini toqqissisimanarsigaangat aatsaat sulisut meeqqanik tamanna pillugu oqaloqateqartarput.

Børnehjemme-mit oqaatigineqarportaaq inissiisarfimmi tamaani politikkeqarmat sulisut meeqqanut inuusuttuaqqanullu oqaatsi-

mikkut qanoq atuinissaat pillugu. Sulisut siunertaraat meeqqanut oqaatsimikkut ataqinnissasut, tatiginnissasut ammasuussasullu.

Børnehjemme-mi aamma illup iluani ileqqorissaarnissamut malit-tarisassaqqarpoq. Malittarisassat meeqqanik ataatsimeeqateqartar-nerni ingerlaavartumik oqaluuserineqartarput.

Børnehjemme-miit paasissutissiissutigineqarnikuvoq unnukkut piffissaq innarfiusartooq Angajullerni nukarlernut atatillugu kingu-sinnerpaamik nal. 20:30 innarfiusassasoq, meeqqalli anginerit nal. 21:00 angerlareersimasassasut.

Nukarlerni nal. 20:00 innareersimasussaapput. Piffissat pulaarfiu-sinnaasut pillugit atuuppoq, kammalaatit atuaqatillu pulaarsin-naallutik, unnukkut nerinissap tungaanut.

Mobiltelefoniut atatillugu atuuppoq, nukarlerni mobiliminnik atuisinnaallutik ualikkut, unnukkut nerinissap tungaanut.

Angajullerniittunut atuuppoq, mobiltelefon atorreqarsinnaalluni innarnissap tungaanut. Atortut elektronisk-iusut, soorlu iPad-it atorreqanngillat wi-fi-mut attaveqanngimmat.

Naggasiutigalugu sulisunit ilisimatitsissutigineqarpoq børnehjem-me-mut suliamut ilinniarsimasunik sulisussarsiniarneq assut ajor-nartorsiutaasoq, tamatumunngalu takussutissaasoq ullumikkut su-lisut ilinniagaqarnerup tungaatigut qanoq inissisimanerannik. A-jornartorsiulli eqqumaffigineqarpoq.

[Dette er en oversættelse. I tvivlsspørgsmål henviser vi til den danske original].
Nutsigaavoq. Nalorniguit qallunaatuua takuuk.